



## **IZVJEŠTAJ O RADU UPRAVNOG ODBORA za 2017. GODINU**

UO SSR u BHRT-u je u 2017-toj godini održao 12 redovnih i 3 vanredne sjednice. Evidentirano je 58 izostanaka sa sjednica od čega 21 neopravdan. Rukovodstvo sindikata je održalo 20 sastanaka sa direktorom i menadžmentom.

Upravni Odbor SSR u BHRT-u, je tradicionalno organizovao prigodan ispraćaj u penziju za članove SSR u BHRT-u. Za naše članove/penzionere koji su otišli u penziju zaključno sa 31.12.2016. godine izdvojeno je 150 KM po osobi.

Dana 13.01.2017 godine rukovodstvo SSR u BHRT-u u Banja Luci je održalo sastanak sa predsjednicom Saveza sindikata RS gospođom Rankom Mišić, a razgovaralo se o podršci Saveza sindikata RS na protestu zakazanom za 23.01.2017 godine, kao i o eventualnoj saradnji dva sindikata. Na žalost, gospođa Ranka Mišić odnosno Savez sindikata RS nije želio pružiti bilo kakav vid podrške SSR u BHRT-u, niti uzeti učešće na pomenutom protestu.

23.01.2017. u 12,05 sati održan je PROTEST, zbog ignorisanja vlasti za rješavanje stabilnog finansiranja BHRT-a organizuje. Zaduženi su svi predstavnici podružnica da obavijeste uposlene o protestu, da se dogovori sa drugim sindikatima da dođu na protest i podrže isti, u što većem broju. Sindikat je tražio direktan prenos protesta u programu BHT1. Donešena je odluka o naknadama za putovanje odnosno dolazak na proteste kolega iz ITC-a

Upućeno je pismo Šefiku Džaferoviću, predsjedavajućem Predstavničkog doma PSBiH, Safetu Softiću, predsjedavajućem Doma naroda PSBiH i Denisu Zvizdiću, predsjedavajućem Vijeća ministara BiH sa zahtjevom hitne izmjene zakona o Javnom RTV sistemu u roku od 60 dana, kako bi se obezbijedilo stabilno finansiranje BHRT-a.

SSRUBHRT-u je pokazao spremnost da dostavi i prezentuje i prijedloge Sindikata kako bi se što prije usvojilo konkretno, provodivo rješenje kako bi BHRT ostao objektivan, nezavisan Javni servis građana BiH.

Dana 31. 01. 2017. godine održan je sastanak predstavnika Sindikalne organizacije BHRT-a i Samostalnog sindikata radnika u BHRT-u. Dogovoreno je da sindikati neće ni na koji način međusobno opstruirati rad i djelovanje u interesu svih uposlenika BHRT

15 dana poslije održanog Protesta upozorenja, Samostalni sindikat radnika u BHRT-u uputio je dopise predsjednicima stranaka u PSBiH (SDA, HDZ, SDS, SBB, SNSD, SDP i DF) sa zahtjevom hitne izmjene zakona o Javnom RTV sistemu.

20.02.2017.godine održan sastanak sa članom Predsjedništva BiH i predsjednikom SDA gospodinom Bakirom Izetbegovićem a na kojem se razgovaralo o aktuelnoj finansijskoj situaciji na BHRT-u.

Na osnovu člana 8 Statuta Samostalnog sindikata radnika u BHRT-u, UO Samostalnog sindikata radnika u BHRT-u je na 26. sjednici koja je održana 31. januara 2017. godine, donio odluku da se svakoj članici SSR u BHRT-u za 8.mart dodijeli bon u vrijednosti 25 KM.

Samostalni sindikat radnika u BHRT-u je uputio mišljenje o Prijedlogu HNS-a o transformaciji Javnog RTV Sistema sa posebnim osvrtom na radno-pravni status radnika BHRT-a. Između ostalog, Sindikat smatra da prijedlog HNS-a predstavlja jednu obimnu rekonstrukciju Sistema javnog emitiranja i da je za dovođenje tog cijelog procesa do kraja

potrebno najmanje 1 do 2 godine, uzimajući u obzir sve potrebne predušlove kao što su prije svega obezbijedenje političke podrške prijedlogu, izrada i donošenje zakona u državnom i entitetskim parlamentima, izgradnja i opremanje kapaciteta potrebnih za funkcionisanje Javnih servisa predviđenih ovim prijedlogom...

Zbog toga, Samostalni sindikat radnika u BHRT-u je mišljenja da bi bilo potrebno riješiti prvo problem finansiranja javnih servisa, primjenjujući određene prijedloge HNS-a, a tek onda ulaziti u širu reformu Javnog RTV Sistema.

24/03/2017 održana pres konferencija Samostalnog sindikata radnika u BHRT-u koji je izradio prijedlog mjera za stabilizaciju finansijskog stanja javnog RTV sistema koji će predočiti novom sazivu Upravnog odbora BHRT-a. Najavljeni su i protesti kako bi se skrenula pažnja na tešku situaciju u kojoj se ova kuća nalazi.

Predstavnici Sindikata precizirali su da bi problemima u kojima se ova kuća nalazi trebalo da se bavi Upravni odbor BHRT-a, ali su istakli da su njegovi članovi imenovani nedavno i da se nadaju skorom sastanku s njima.

10. aprila delegacija Samostalnog sindikata radnika u BHRT-u položila je cvijeće na spomen ploču ubijenim radnicima u prizemlju RTV Doma

Na inicijativu Samostalnog sindikata radnika u BHRT-u, studio Muzičke produkcije MGKS se od 25.04.2017. godine zove Muzički studio Esad Arnautalić.

12.05.2017.godine Samostalni sindikat radnika u BHRT-u je u sklopu svojih aktivnosti na rješenju problema opstanka BHRT-a, još jednom zatražio sastanak sa predsjednicima svih relevantnih političkih partija u BiH. Zbog toga su predsjednik Demokratske fronte Željko Komić i generalni sekretar stranke Zlatko Miletić održali sastanak sa rukovodstvom Samostalnog sindikata radnika u BHRT-u. Rukovodstvo sindikata državnog Javnog RTV servisa upoznalo je vodeće ljude DF-a sa ključnim problemima sa kojima se ova medijska kuća susreće. DF pruža snažnu podršku BHRT-u kao medijskoj kući, kao i radnicima javnog servisa u njihovoj borbi za svoja prava. Poslanici DF-a u državnom i federalnom Parlamentu uradiće sve što je u njihovoj moći da se problemi u ovoj medijskoj kući počnu rješavati, kako bi bila postignuta finansijska stabilnost i nezavisnost državnog Javnog RTV servisa, a samim tim i nastavak proizvodnje profesionalnog programa.

Rukovodstvo DF-a izrazilo je spremnost na svaku saradnju sa Samostalnim sindikatom radnika u BHRT-u i u budućnosti.

15/05/2017. Godine održan je sastanak sa predsjednikom Naše stranke Predragom Kojovićem na kojem je predsjednik Kojović upoznat sa ključnim problemima sa kojima se susreću radnici ove medijske kuće. Naša stranka pruža snažnu podršku BHRT-u kao i radnicima javnog servisa u njihovoj borbi za svoja prava te će u Parlamentu FBiH inicirati izmjenu zakona o izvršnom postupku na način da se RTV taksa smatra vjerodostojnom ispravom.

25.05.2017. godine M.K. Pašalić je kao član UO sindikata učestvovala na radionici koju su organizovali BH Novinari u Hotelu Grand u dijelu pod nazivom „Uloga sindikata u zaštiti novinarki“.

U zgradi BHRT-a održana je konferencija Nacionalni javni radiotelevizijski servis Bosne i Hercegovine. Rukovodstvo Samostalnog sindikata radnika u BHRT-u je uzelo aktivno učešće u radu konferencije. Na kraju konferencije su predložene hitne i dugoročne mjere za opstanak javnog servisa. Na prijedlog našeg Sindikata usvojene su slijedeće urgentne mjere:

-Tražiti od Vijeća ministara da po hitnom postupku izdvoji interventna finansijsku pomoć kako bi bila pokrivena dugovanja BHRT-a.

-Tražiti od Parlamentarne skupštine BiH usvajanje amandmana na zakon o javnom RTV sistemu koji će osigurati stabilno i adekvatno finansiranje javnih servisa, stvoriti zajedničku službu sva tri javna emitera za prikupljanje RTV takse i osigurati prikupljanje RTV takse preko računa za električnu energiju.

-Tražiti od Parlamenta FBiH izmjenu Zakona o izvršnom postupku na način da se RTV taksa smatra vjerodostojnom ispravom (član 29, stav 2 zakona).

Također, djelimično je usvojen naš prijedlog u kojem smo tražili da se iz budžeta finansiraju dugovi i članstvo prema EBU, tako da je usvojen zaključak da Vijeće ministara bude garant otplatnom planu duga BHRT-a prema EBU, čime bi se okončale sankcije EBU-a prema BHRT-u.

Sindikata je organizovao sastanke Podružnica sa generalnim direktorom zbog aktuelne situacije i plana realizacije sistematizacije i reorganizacije u BHRT-u.

Sindikata je dobio od menadžmenta BHRT-a prijedlog Odluke o minimumu procesa rada u slučaju štrajka, na koju je dao saglasnost i koja je dostavljena Vijeću ministara na odlučivanje. Vijeće ministara je donijelo odluku o minimumu procesa rada u slučaju štrajka 4. decembra 2017. Također, UO Sindikata je usvojio i Sporazum o minimumu procesa rada u slučaju štrajka, kojim se preciznije definišu odredbe Odluke. Sporazum je potpisan sa BHRT-om čime su ostvareni svi potrebni pravni preduvjeti za mogućnost štrajka radnika.

Predsjednik sindikata Damir Smital je učestvovao na Radionici o kolektivnim ugovorima u Javnim servisima i ulozi novinara u sindikatu koja je u organizaciji regionalne mreže sindikata „Solidarnost“ održana u Vrnjačkoj banji od 13 do 15 decembra a na kojoj su se razmatrale 3 teme:

1. Kolektivni ugovori u Javnim servisima u regionu.
2. Šta sindikati mogu ponuditi prekarnim radnicima (honorarci, radnici na određeno i sl.)?
3. Uloga novinara u sindikatima

Na 37. sjednici UO Samostalnog sindikata radnika u BHRT-u, koja je održana 26.12. 2017. godine, donesen je zaključak da se i ove godine organizuje ispraćaj penzionera-članova Sindikata. Prema evidenciji članstva Sindikata i informaciji koja je dostavljena od strane službe za ljudske resurse BHRT-a, 8 članova SSR u BHRT-u zaključno sa 31.12.2017.godine je penzionisano. Svakom od njih je odobren iznos od po 150 KM.

Samostalni sindikat radnika u BHRT-u je za liječenj svojih članova u 2017-toj godini izdvojio ukupno 11.500 KM a na osnovu Pravilnika o dododjeli finansijske pomoći članovima sindikata. Svakom članu Sindikata je za rođenje djeteta izdvojeno po 200 KM.

Tokom godine preko svojih članova, kroz rad povjereništava Podružnica, oglašavanjem u RTV Domu, te putem mailova, web stranice i facebook-a, UO Sindikata je nastojao informisati članstvo o svim aktivnostima Sindikata.

UO je nastavio obezbjeđivati razne pogodnosti za članove Sindikata, potpisivanjem ugovora u kojima su definisani određeni popusti, odnosno povoljnosti pri plaćanju usluga za naše članove.

Upravni odbor  
Samostalnog sindikata radnika u BHRT-u